

四庫全書

子部

欽定四庫全書

子部

江南經畧卷三上

詳校官中書

臣丁榮祚

編修臣倉聖脈覆勘

總校官進士

臣朱鈴

校對官修撰

臣吳錫齡

謄錄監生

臣王志遠

繪圖監生

臣秦江


欽定四庫全書

江南經畧卷三上


明


鄭若曾

撰



常熟縣境圖





常熟縣總論

常熟在府城北九十里滄海環其東長江亘其北尚湖昆承陽城諸湖匯其西南乃四通八達之區也嘉靖癸丑至乙卯三歲之間倭寇至者殆無寧月犯白茆港千步涇者各一犯三丈浦者二犯許浦福山港及城下者各五其餘往來分合小小紛擾不可勝計常熟之受禍慘矣今之議者孰不曰常熟者蘇州之北門也太倉嘉定者蘇州之東門也門戶固則堂奧自安故設備以吳淞江為先劉河次之七鴉又次之白

茆又次之福山又次之愚謂不然嘉太二地蘇州之東門也
誠哉是言矣常熟豈特為蘇州之北門而已哉舍蘇松常鎮
四郡之關繫莫有先焉何哉蓋長江者留都之門戶也蘇松
有海防之寄常鎮有江防之寄皆止一面耳常熟枕江帶海
獨兼二者之防比他邑為難且當長江入海之口海寇若溯
江窺留都阻運道必先由此則其關繫之大又在常鎮濱江
諸邑之上備常熟乃所以控江之上游控江之上游乃所以
護留都為運道計也此豈可與太倉嘉定例論而謂其為一

郡之所繫哉如若曾之見督軍務者不當以常熟視常熟而以留都運道視常熟不當以瓜儀之第二關為江防之要而以常熟海門之第一關為江防之要水兵陸兵之設該縣為首重焉次嘉定次太倉將秩之尊兵額之衆軍餉之多不敢忽易而反居吳淞江之上夫然後可也

常熟縣境考

常熟古吳地吳王夫差嘗於此築石城吳地志云吳王擇虞山北麓以石甃城為游樂之所今縣北五里許有石城里

鄭唐

都官詩有石城昔為莫愁鄉句指此 其地又有扈城世傳
吳王游樂石城建離宮扈蹕故名今有扈城邨 越絕書又
云石城在 漢時為會稽郡吳縣有虞鄉吳黃武時常置虞農
鹽巖山

都尉於此晉太康四年始建為海虞縣咸康七年割海虞北
境置剡朐利城三縣為東海郡割西北境沙中置南沙屬晉

陵郡梁大同六年改南沙為常熟縣以土壤膏沃而名 楊

詩有歲歲多收常熟田句 隋開皇九年廢信義郡并所領海陽前京信

義海虞興國南沙入焉治南沙城又廢晉陵郡置常州常
熟割入蘇州唐武德七年移於海虞城即今縣治元元貞

二年以戶口計例陞為中州國朝洪武二年復為縣弘治十年割本縣雙鳳鄉與崑山嘉定地置太倉州云

廣九十里袤一百里東至甘草浦抵大海一百四十里西至常州府江陰縣界四十里南至長洲縣界四十里北至福山港抵大江四十里東南至崑山縣界花瀆口五十里東北至許浦七十二里至崑山縣界浪港浦一百十里西南至常州府無錫縣界五十里西北至江陰縣界谷瀆港六十里

常熟縣城池考

常熟縣城唐武德初始遷虞山下周二百四十步高一丈厚四尺列竹木為柵宋建炎間知縣李閻之始建五門東曰行春西曰秋報南曰承流北曰宣化東北曰介福元至正十一年築土城周一萬四千八百四十丈十六年張士誠據蘇州以常熟為要害更甃以磚周九里三十步高二丈二尺厚一丈二尺最為完固國朝永樂中歲大祲民乏食中夜盜城磚以易食知縣柳敬中慮變聽其毀而不之禁城日以廢嘉靖癸丑倭寇突至居民驚走莫之敢撓主簿李宗明率衆丁捍

之賊被挫而退自是始議建城知縣王鈇興工卜築賊頻攻擾且戰且築越數月而工竣倥偬經營勞費大倍於常云

城

週圍一千六百三十六丈高二丈四尺厚一丈二尺有奇

池

城內外皆有濠外廣於內即有事變未可以易涉也西北枕山而築無所事於池塹

門

陸門七座南曰翼京北曰鎮海曰望洋西曰阜成
東曰賓陽曰迎春西北曰虞山水關五座

敵臺

五十二座虞山門外另築大者一座

雉堞

凡四千八百三十二架


按常熟之城西北枕跨虞山山高城卑殊失地

勢雖有敵臺一座在山腰間以護西門而孤懸
在外兼不高聳且西偏城垣一帶失之狹隘似
宜於敵臺加高大餘闊濶數丈餘城身再加增
益更於城外曠野之處添設敵臺幾座庶我兵
便於登守易於策應而寇不敢近城矣

常熟縣備寇水陸路圖

東

卷三上七



常熟縣備寇水陸路考

東通溟渤

其道有二由五衢沈家市東浮白茆以出於海
或由沈家市收唐市而至直塘或由支塘而至
直塘皆從七浦塘以出海者皆東路也白茆出
海在本縣地方道之正者也七浦塘出海乃假
道於太倉道之間者也

南距長洲

其道有三見長洲縣水陸路考

東南抵太倉崑山二境

太倉之道有二見太倉州水陸路考

崑山之道有三見崑山縣水陸路考

西南與無錫為界

其道有二由華蕩廟橋野菱蕩歷大成橋太平九里邨華市新塘而至無錫之北門者其西南路也由廟橋野菱蕩歷宛山蕩口楊樹大橋百

瀆以至無錫之南門者其南路也二者皆水道也皆道之正者也非間道也

西北與江陰為界

其道有三由山塘涇歷蘇茅長壽橫塘竹塘華市而至江陰之南倉者其西南路也由華蕩廟橋野菱蕩歷大成橋太平九里邨華市新塘從無錫之北門高橋青暘蔡涇閘以至於江陰者其南路也由山塘涇歷六原楊尖出大成橋而

偃道無錫以至於江陰者其西路也西南路乃人之所常行者也其路為近謂之正道南路西路皆迂遠水陸時人少行之謂之間道

右水陸可通之道凡十有八雖皆常熟之所當防然不能一一而設險也惟摘其中之尤要者建寨柵初團營專駐官兵以為守禦之計其餘則惟以游兵行哨奇兵設伏輕兵出襲焉斯可矣共計邑之險要有七曰福山堡曰白茆港曰許浦曰三大

浦曰梅李鎮曰吳塔巡司曰唐市詳見各圖說於
後

福山險要圖

山狼

北

次定四庫全書

千步涇東

野兒漕

張涇

耿涇

崔涇

水門塘

鯉魚浦

福山港

福山堡

吳涇

西洋浦

陳浦

吳浦

三丈浦

黃河浦

北陰浦

西

江南經畧

常熟縣

南

虞山

十一

福山險要說

福山東通大海北枕揚子江要害甚於白茆蓋常熟為蘇之北門福山為常熟北藩重鎮與通州狼山相直境特雄勝實東南控扼之地設防所宜加意云餘詳築堡議

福山堡城池考

福山在常熟縣西北四十里高九十五大周五里本名覆釜山唐天寶六年改為金鳳後梁乾化三年改今名

宋時於此建水軍寨國初設有巡檢司嘉靖甲寅倭警
巡按御史孫公慎建議設堡命常熟知縣馮舜漁江陰
主簿曹廷慧督工興築

城

週圍三里

福山築堡議

福山堡即宋之水軍寨也常熟為郡之北門福山在縣
西北四十里與通州狼山相望居民可二千餘家海艘

江舸多集焉素稱雄鎮是福山又常熟之北門也邇年倭寇每以此為捷徑其地舊雖設有巡司勢莫能支嘉靖甲寅臺臣建議築堡設把總指揮統水兵在江巡哨府縣官統陸兵在鎮屯守可謂密矣然寇犯本港須自三沙高家縣後以至三沙然後西至本港則三沙之防守尤所當重也此皆目前權宜之術而非經久之規也必須奏分蘇州一所官軍常川住劄如吳淞江事例方為長策耳又按五代錢氏據江南時創開江營都水使

募水卒以通水利號曰撩淺又於港浦要害處置閘啓
閉而國賴富強今能修復其制閘可以阻海舶之長驅
而所募之卒撩淺之目少團練之日多一有不虞官兵
鄉兵互相策應兵農兩利之道莫善於此

福山堡兵防考

國初循舊制設水寨命蘇州太倉二衛分遣百戶一員
領兵更番駐劄撥兵船巡邏江中盜賊近議設把總指
揮一員統領陸兵五百人在堡屯守更有守港兵船分

哨江中及崇明各沙

白茆港險要圖

大海東

狼山



北

浦許

浦金

浦唐

浦陸石

浦馬司

浦水茆白

浦巡茆白

浦河沙

浦可陸

浦湖

浦錢

浦草甘

浦北

浦厓上

浦象成

浦厓下

港浪

朱家堡

常熟縣西

江南經畧

見城湖

南 塘浦七

白茆港險要說

白茆港口西距縣治九十里東臨大海國朝洪武初本
港原設巡檢司天順間因港面水濶倭舶乘東風而上
輒抵城下添設官兵立教場操演為防春之計成化中
置營寨官廳鼓樓軍房七十餘間後又築市屋集商人
壯形勢久而漸湮邇因倭寇復撥衛所官軍及游兵把
總廣福蒼沙等船水陸防守且建朱家堡於近地較之
國初聲勢十倍矣然寇所從入之路必自東北洋乘輕

舸道三升高家縣後以至三沙視風汛之順逆以犯福
山白茆而犯本港之路則登舟沙其緊要門戶也若遏
之於登舟之東北賊不能登犯本港矣此又拒寇於上
游之策也

濬白茆港議

或謂白茆已塞寇船難入則港可不濬兵可裁革乎曰
不然吳中北出之水皆由本港入海其通其塞海隅東
偏農夫之苦樂繫焉海隅東鄉賦稅之盈縮繫焉必當

濬而通之俾民樂生乃遏盜之本也或又以港通則引
寇為慮曰不然使港而通利也寇可入我兵獨不可出
乎夫水利修則兵食足兵食足則不必加賦於民而軍
需常給此兵農兩利之道也今水陸官兵四千餘人坐
食港口宜倣古屯田之制防春之暇就用之以興工有
警則為兵無警則為工奏請於朝大修水利更召各邨
貧民給之工食相參而用則在兵也常有王事之勞而
無暇為非在官也常藉諸兵之用不為徒費豈非一舉

兩得之策耶不然吾恐從亂之民樂於寇變勾引接濟
豈直徒費而已哉

白茆水兵議

或問水兵利害何如曰諺不云乎聚兵易散兵難出兵
易收兵難聚而能散出而能收斯之謂善將今之水兵
皆召募無賴之徒烏合之衆何惑乎用之則不得其力
散之則轉而為盜也如愚見似宜就用土著之兵如在
白茆也即以白茆近地之民充白茆把港之兵仍以白

茆大戶之有才力者領之重其責任優其事權隆其體貌嚴其賞罰照現在水兵之數而給之工食常以一半在田一半在船分番出哨無事則耕作操練遇警則一鼓而集合力而戰夫其生長於此則習知地利而無水土不服之患室家在是則有所顧戀而無退縮逃亡之患首領在是則有所制馭而無跋扈劫奪之患田業在是則又以所得之財為樹藝之本而死守力爭豈肯輕棄於敵乎世亂則為兵世治則為農夫是之謂不聚之

聚不散之散夫是之謂即以其地之民還救其地之難較之以別處之將領四方不相識之八人情事勢順逆難易何如也其法至簡而至易其理至淺而至顯廟堂彙議恐不出此或曰內地險要此法可以行歟曰奚而不可向來團結鄉兵之難行者籍名於官則如僉一重役聽差調而不得寧其家防點間而不得佃其田多無名之費而不得樂其生身既團結於官矣官府以其非召募之兵也不給工食而與不團結者例出海防養兵

之銀大戶如之何而心服小民如之何而用命乎或又
曰小小險要此法固可行矣吳淞江劉家河之類哨船
以百計水兵以萬計本地之民曾足以充之乎曰利害
之關於一方者以一方之力禦之關於一邑者以一邑
之力禦之關於一郡者以一郡之力禦之吳淞劉河七
鴉福山之類乃關係一郡之利害信非可禦以一方之
力也然若此之類有限若以土著之民為主而用沙耆
民沙船沙兵輔之港口豈有不固而賊舟豈有能入者

哉或又曰若而言耆民與土著之兵既給工食又蠲其
海防養兵之稅不亦過乎曰不然法欲圓活若拘則方
而不行矣且如白茆地方該戶若干田若干海防銀若
干養兵銀若干扣除其數與該地耆民自計之兵之有
田者查其應納之數與工食相準否乎準則免之無給
也亦無徵也否則損之益之兵之無田者現查應出人
戶之銀或取而給之或令其對支其有生於本地而不
願為兵者但照常出海防養兵之銀交納耆民而止矣

者民任其勞官府執其權專察者民徇私侵漁之弊夫是之謂以一方之食養一方之兵以一方之兵支一方之患費民而民無不甘勞民而民無不服不此之務而惟憂食之不足嚴刑以徵科未見其可也

巡司弓兵議

策水兵之大要無踰練土著矣猶有議焉者則巡司之弓兵也東南巡兵不下數千餘彼盡給有工食也舊皆傍司之積棍承當徭戶既為多科而此輩實不用命孰


如徵銀在官擇勇而役按月而給之為愈也或謂產鹽之地例當責補鹽課此似戾之不知徭戶每兵編銀十兩兵自取則多至二十兩有零矣今令每一兵上銀十二兩以十兩八錢給兵工食餘一兩二錢充補船鹽之費民稱便而課可充兩利之術也練弓兵之法當與練土著同月一合操

白茆港寨兵防考

白茆寨在常熟縣東北九十里海口天順五年鎮守都

指揮使翁紹宗奏置每春夏蘇州衛分撥指揮一員千
戶二員百戶四員領軍四百人至此操練備倭至冬初
過小陽汛撤還本衛又立教場一區為演武之地成化
十八年都指揮使郭鎔設立備倭軍營二十一年又添
造官廳鼓樓軍房七十餘間正德十六年重濬白茆俱
遷建新開河口近因寇患現撥衛所官軍游兵把總及
廣福蒼沙等船水陸共四千餘人在港防守

許浦險要圖



欽定四庫全書

江南經畧

常熟縣

二十

許浦險要說


許浦在縣東北七十里即宋之水軍寨也國初改為巡檢司其地東通大海北枕揚子江要害與白茆等但宋詳於本港而畧於白茆我朝則反其制何也許浦在宋時為大道故苗劉之變韓世忠提兵勤王李寶奏膠西之捷皆由此入今其壤半啗於江存者亦漲而為田矣近年島寇屢從此岸陸行至梅李鎮蓋避白茆福山兵船之阻而乘我之無備也本港巡司弓兵不足以當之

寇遂橫行擄掠或直搗城下今宜設水兵船於此防禦而團結鄉兵為扼險之計水陸兩利矣

許浦港兵防考

宋時設御前許浦水軍寨在常熟縣東許浦鎮額管官兵一萬二千八分為四軍八將六十二隊其制至為詳密元仍其制為許浦通事漢軍萬戶府我朝改為巡檢司弓兵單弱不足以遏寇衝所宜添設兵船控扼并團練鄉兵守禦斯為得計耳

三丈浦險要圖



江南經界

二十二

三大浦險要說


三大浦在縣治西北八十里北通大江迤西二里即黃
泗浦也與通州對境販私鹽者絕江往來舊設巡司在
馬黃泗浦土疎善崩屢濬屢塞邇年烏寇俱假三大浦
出沒乙卯賊嘗於此為巢穴而無錫洞庭之賊皆道此
出江兵備叅政任公環殲賊於此者再賊乃遁去後有
司築土壩使不得直搗然而農田從此病矣萬一賊自
通州乘風直搗於此雖曰伊邇楊舍鄰援可望恐難恃

也須詰戎兵以防不軌決壩堰以溉農田兩利之策不
可一日而不講者也

欽定四庫全書

卷三上

梅李鎮險要圖



次定四軍合署

江南經畧

二十四

梅李鎮險要說

梅李鎮在縣治東北三十六里

五代時吳越錢氏遣二將梅世忠李開山戍此

以防江因取二姓以名鎮或誤稱梅里

又東北為許浦東南為白茆西北

為福山道里適中之地常熟東北諸水莫大於許浦賊

常由此而入往年賊首劉鑑自許浦入寇據梅李以為

巢穴進攻縣城而白茆福山諸賊時相約會蓋進易以

攻退易以走賊常得勝策而我輒為所僣不能先據地

利故耳為今之計莫若屯戍官兵於此有警則分番策

應當留一半不動賊若來犯我常得以逸待勞之策必
不能直抵城下且斷白茆福山諸賊使不得潛通往來
尤可以殺賊合蹤之勢也

吳塔險要圖

常熟縣

北

虞山

驅涇鋪

新增鋪

東

華蕩鋪

吳塔巡司

潭蕩鋪

涇界

周涇鋪

南

華蕩

西

尚湖

江南經畧

二十六

欽定四庫全書

吳塔險要說

吳塔在縣南盡處與長洲縣分界尚湖華蕩居其西北
蠡口居其西南其南則為入蘇大道華蕩蠡口皆可通
無錫而蠡口尤捷往年賊自無錫而來北入三大浦賊
巢嘗由此道而掠洞庭兩山之賊過齊門去者亦此道
也蓋當西南二面之衝非直小小險要而已況平時鹽
盜出沒無常徒以一巡司轄之弓兵為數幾何而可當
此大任耶須特設官兵一枝於此屯戍而弓兵之額比

舊倍其名數其策可行也

欽定四庫全書

卷三上

唐市險要圖

東

唐市

斜堰

北

鮎魚口

東倉

支塘市

昆承湖

南


常熟縣

山川壇

西

江南煙畧

二十八



唐市險要說

唐市在縣治東南三十里

舊名尼涇市

南與崑山連壤二縣

往來必由之道也賊自南來流突北行此為要衝不可以不備其北雖有朱家堡然去昆承湖口已遠但可以備白茆流突之賊殊非為縣城藩籬之意必添設官兵一枝於此屯戍與崑山斜堰兵船互為聲援庶可以遏賊之衝而賊不敢北出矣

常熟縣巡司

弓兵烽堠附

白茆巡司

在常熟縣東北九十里抵海國朝洪武初置設弓兵四十名往來巡邏所屬烽堠十一座

白茆港口

新河

北港

金涇

唐浦

舊衙前

雙浜

義塘

長毫

支塘

河舍

每堠另設瞭守弓兵五名

黃泗浦巡司

在常熟縣西北八十里抵揚子江設弓兵四十名往來巡邏所屬烽墩十座

顧沙港

洋拓

黃泗浦港西

新莊港

奚浦港

西洋浦

黃港

小陳浦

黃泗浦港東

三大浦

每墩另設瞭守弓兵五名

福山港巡司

在常熟縣西北四十里北抵揚子江東抵海設弓兵四十名往來巡邏所屬烽堠十座

墅橋

新婦

陳浦

福山港口

頂山

龍王

曹橋廟

曲塘

興福

興塘涇

每堠另設瞭守弓兵五名

許浦巡司

在常熟縣東北七十里宋時為水軍寨國朝洪武二年改為巡檢司北抵揚子江東抵海設弓兵四十名往來巡邏所屬烽堠十五座

青整

大弘

衙後

耿涇

九里

尚墅

陶舍

丁涇塘

雙廟

四义

低壩

徐港

十里程

勝法

海洋塘

每墩另設瞭守弓兵五名

常熟縣倭患事蹟

洪武七年甲寅

八月倭犯海濱

永樂二年甲申

四月對馬岐倭寇海濱

嘉靖三十二年癸丑

正月賊入福山港登劫知縣王鈇帥官兵擊走之

十六日賊船六隻從東海而來入福山港登岸劫殺至殿山橋而還十七日復自吳橋至劉菩薩堂焚劫煙焰不絕十八日知縣王鈇先遣耆民徐泰等潛師劫營十九日親率主簿李宗昭家丁兵勇與賊戰於尚墅賊大敗走宗昭家丁李安戰歿於陣主簿馬希鸞復邀賊於中途擊敗之適長洲縣縣丞林錡承府檄率兵來援分道追逐二十一日

賊棄二舟遁

閏三月賊首鄧文俊等分掠縣境

三十三年甲寅

四月賊首劉鑑入白茆港據梅李鎮為巢

先是福山三丈浦許浦金涇唐浦凡沿江港口賊舟無處不充斥官兵憊於奔馳收聚城下十五日賊首劉鑑以巨舟七隻直入白茆港十八日遂進掠梅李據為巢穴分劫諸邨鎮無不遍者

賊攻縣城

賊酋劉鑑欲攻縣城先遣其徒偽充乞丐以覘虛實官兵擒之因而戒嚴二十二日劉鑑自梅李進攻縣之大東門值兵備僉事任公環在縣與知縣王鈇出兵禦之賊大敗而去天晚恐賊有伏我兵不敢追但屯城麓備不虞夜漏下二十刻賊果至見官兵大驚而走二十四日劉鑑復攻大東門俄而攻小東門復轉而攻北旱門與北水門鈇皆隨

賊所至敵而却之賊死於矢石者甚衆二十六日
劉鑑復糾合福山之賊分門攻圍日夜鏖戰不絕
鈇多方捍禦城得不破

三十四年乙卯

四月賊入福山港遂犯縣城

十二日江北張涇之賊至福山港擄耆民船二十
餘隻十三日賊船至者尤衆官兵不能支皆散走
十四日賊薄縣城流矢斃其劇酋二人遂去

欽定四庫全書

江寧縣志
卷三上

兵備副使任公環大敗三丈浦之賊

先是賊屯三丈浦者勢甚猖獗且易官軍不為備
兵備任公環陰部署主客官兵以進保靖兵素驍
勇為賊所忌公命應襲彭守忠為中哨易衣幟賊
不知也太倉沙耆民為右翼知縣王鈇為左翼公
躬擐甲胄激勵三軍我兵皆踴躍思奮爭先進攻
賊遂大敗逐北至奚浦斬首二百三十五級生擒
五十餘人獲其舟二十七艘而我兵不損一人自

用兵以來陸戰全捷未有若此者也

五月知縣王鈇致仕叅政錢泮禦賊於上塘港口死之

十三日賊首楊二率賊衆千餘人自崑山縣石碑頭入縣境不焚掠惟擄鄉民以張聲勢歷唐市蘇家尖梅李福山欲擄船出江不得去屯於本港二十一日陸涇壩敗遁之賊分為二支一由崑山一由陽城湖至縣境賊之在崑山者又分為三支一

由黃昌涇一由新塘一由平莊田至縣境皆與三
丈浦賊合時三大浦之賊既為任公環所敗勢已
孤弱得福山等諸賊遂復猖獗欲攻縣城知縣王
鈇與鄉宦致仕叅政錢泮誓欲滅之二十四日親
督水兵船邀擊賊於上塘港口賊伏不動潛令其
徒裝飾避賊鄉民求輔官兵為援官兵方共惜之
賊度其已入陣中倏爾起鬪官兵前後受敵遂驚
潰鈇與泮猶督戰不已遂皆被殺

六月兵備副使任公環復大敗三大浦之賊

三大浦之賊既殺知縣王鈇聲勢愈熾無錫太湖之賊又與之合遂肆掠無忌初六日兵備任公環督同知王如瓚率沙兵民兵進攻之殺其白眉主帥一人賊遂大敗稱兵備任公為拚命官人望幟即逃

三大浦賊遁出海太倉州知州熊桴把總劉堂追擊敗之

時賊為副使任公環所撓乃謀去二十三日從柴
港口遁出海至登舟沙北知州熊桴與把總指揮
楊尚英州判張大倫圍而攻之賊死無算俘斬一
百三十有奇餘賊南遁至吳松江口復為把總劉
堂邀擊大敗之生擒其酋急速如郎斬賊首二百
六十餘級

七月江陰流賊入境

初三日金涇港許浦共倭賊八百餘人合掠周家

市初九日江陰賊流至許浦與前賊合艘十四日
相繼遁去

三十五年丙辰

四月賊掠沿江邨市

初九日賊舟二十一隻自通州入福山港四散流
劫楊巷方橋王巷花莊西至楊舍一帶地方無不
被禍而福山之賊為尤甚

吳江縣境圖

卷三三七

姚城江

毛塔湖

同里

三家塢

湖澤葉

青水漾

釣頭澤

三白蕩

梅墅漾

汾湖

吳淞江

石塘

翁壁漾

盛墅漾

南

盛澤漾

三蕩湖

舊厓湖

北麻漾

南麻漾

塘石

馬尾蕩

橋長

吳江縣

湖石

鮑魚口


西

太湖

沈張湖

北

東



吳江縣總論

吳江界於蘇嘉二郡之間乃運道之要衝吳越之咽喉也天下有變兵自北而南自南而北胥經乎此勢所必爭且其地西枕太湖通吳興宜興東濱同里諸湖通松江吳淞江口四通八達無適而非鹽盜之藪無適而非敵鬪之場腹內諸邑茲其最難守禦者故國初設巡檢司各邑皆不過二三而吳江一縣獨至於八其意可稽已所轄五百六十二里皆水限隔匪舟弗行民善於水

戰邨舫漁艇一呼而集動以千計譟進追賊其駛如飛
風帆不及也往年倭寇至吳所憚者惟若屬八戰八捷
曰青陽港曰錢田曰石湖曰鴛脰湖曰唐湖曰太湖曰木瀆曰汾湖所可憾者貪餌縱賊
賊每每以是脫去操捨誅宥之權不在有司而在水兵
之掌握策斯下矣

吳江縣境考

吳江縣在郡城東南四十五里舊吳縣松陵鎮也五代
梁開平三年分吳縣地置吳江縣吳越王錢鏐於此立

南北兩城防遏使所元元貞二年以戶口計例陞為中
州國朝洪武二年復為縣管里五百六十有三

廣一百七十三里袤一百六十二里東至松江府華
亭縣界八十里西至太湖口十五里南至浙江嘉興
府嘉興縣界五十四里北至長洲縣七里橋界七里
東南至浙江嘉興府秀水縣界七十里西南至浙江
湖州府烏程縣界九十里東北至長洲縣姚城江界
三十里西北至吳縣靈巖鄉界三十里

吳江縣城池考

吳江縣城梁開平間吳越王錢鏐築後廢宋嘉祐二年知縣裴煜復建南北二門元至正十二年知縣扎雅進重建北門十六年張士誠據吳遣將營築城垣高二丈八尺厚一丈五尺周五里二十七步陸門四水門四各以方名國朝成化元年知縣陳堯弼重建城樓邑當衝要舊城卑而難守嘉靖三十三年島寇為患知縣楊芷力勸士民捐資聘寺丞吳滂等重築之視舊高厚各增

三尺三十六年知縣曹一麟復陶甃覆其面由是城益完固云

城

週圍長一千八十四丈五尺凡五里二十七步高三丈一尺厚一丈八尺

池

深一丈濶十丈

月城

凡四座

門

陸門六座水關三座

敵樓

二座

敵臺

二十六座

舖舍

四十三座

雉堞

三千二百二十二垛

羊馬牆

一千八十四丈五尺

按吳江之民素尚儲粟家無巨細皆有數月之糧且城中多富貴之家人煙蓊鬱心力齊備設有警急守禦何難之有但水澤所鍾城小可灌

須以水兵船四郊堵截力捍而禦防之勿容寇逼城下則灌城之計可以無虞設有危迫凡水兵父母妻子悉召置城中一使無內顧之憂一寓牽制之意使盡其死命即所患在貪餌縱賊也下令有此必誅蔑不勝矣

吳江水兵議

七縣水兵惟吳江為最乃島寇之所深畏也近年官府不分功能高下混給工食以致吳江者亦不堪用蓋吳

江四面阻水西枕太湖使船本其所長嘉靖三十三年
初報在官皆精悍捷給之徒大舟用二十五人小舟用
三四人篙手與搖櫓盪槳者首尾相應行使如飛遇賊
舟之大者則以小船誘渡其人而傾覆之遇賊小舟則
以十四五篙手齊鑿而沈之賊人遠來不過奪船深入
而已船之輕捷不如也不過驅土民撐駕而已人之齊
截不如也其始也水鄉大戶親統率之其後因差人統
領尅工食奪功次真正有名之兵不樂於用所用者皆

次身無用之窮民其弊至於行劫而吳江水兵遂為官府所惡一切裁革矣若曾聞之吳江人云水兵隊長總出盛二盛六之下其次為董介凌雲亦合縣水兵之所推服蓋家業既饒武藝又精故也今誠得若而人委以選水兵之寄就令之總領則船隻器械俱不必官給之而鄉間上等之兵無不踴躍而出矣攻守何患於無功乎

吳江縣備寇水陸路圖

上海之賊
由此道進

卷五十三

陳湖

吳淞江

夾浦

寶帶橋

長橋

平望巡司

唐湖

同里

同里湖

華澤湖

同村湖

雁山湖

柳湖

汾湖

南

嘉興由此進

鴛鴦湖

關溪

烏鎮南來
由此道進

震澤巡司

簡村巡司

周橋巡司

湖州西來
由此道進

西

太湖

鮑魚口

鹽塘

府城

北

吳江縣備寇水陸路考

東距華亭

其道有二由勝塾黎里周莊金澤而繞出澱山湖泖湖之南者其南路也由同里湖或夾浦塘東北行至楊扇入澱山湖泖湖者其北路也二者皆水路也皆謂之間道也

南抵嘉興

其道有三由舊驛前南行歷平望王江涇而至

嘉興府之北門者乃驛路也所謂浙河是也萬一道梗則由同里黎里東南行可以繞至嘉興府之東門或由爛溪三都西之西南而行可以繞至嘉興府之西門二者皆水路也驛路道之正也水路乃道之間者也

西枕太湖

其出湖之口有三西北曰柳胥西南曰簡邨其一則西郊也三口相去不遠刁斗相聞烽火相

望若設水兵船張犄角協力維護則湖寇自不能犯

北抵吳縣

其道有三見吳縣水陸路考

東北與長洲為界

其道一見長洲縣水陸路考

東南與嘉善為界

其道有二由舊驛前南行歷平望王江涇之南

而東行以抵嘉善縣治者其南路也由同里黎里東南行而繞至於嘉善者其東路也南路道之正也東路乃道之間者也

西南與湖州為界

其道有二由平望西行歷震澤烏鎮而至湖州之烏程者其南路也乃驛路也道之正者也由太湖西南向一帆至湖州之歸安烏程長興者其西路也乃水路也道之間者也

右水陸可通之道凡十有六雖皆吳江之所當防
然不能一一而設險也惟摘其中之尤要者建寨
柵勑團營專駐官兵以為守禦之計其餘亦惟以
游兵行哨奇兵設伏輕兵出襲焉斯可矣計邑之
險要有八曰夾浦南曰平望曰鮎魚口曰簡邨曰
同里曰汾湖曰爛溪曰震澤鎮詳見各圖說於後

欽定四庫全書

卷三上

夾浦南險要圖

東

北

寶山橋

夾浦橋

吳松江

澹臺湖

吳松江

西

工南經畧

東湖


垂虹亭

長橋

南

吳江縣

四十七



夾浦南險要說

夾浦北險要另見長洲縣圖說

夾浦在縣治北一十里乃吳松江之上源也太湖之委流也東行二百六十里至吳淞所以入於海賊若自吳松江而來南犯吳江北犯長洲此為分蹤要衝或寇入太湖欲東出海而由鮎魚口瓜涇港以來亦自夾浦橋而出乃往來必經之道也況為運河關隘賊若據此則本縣與郡城聲援不相接矣故必設兵一枝屯守於此而後可或曰守夾浦孰與守陳湖曰陳湖遠在於東北

散漫無統此地湖水東出洶湧深濶賊擄舟橫渡水兵
夾攻豈能直達乎若夾浦不守則長驅而下難於控制
乙卯石湖之患可鑒也

欽定四庫全書

卷三上

平望險要圖

龍山湖

東

觀瀾鋪 微浦鋪 廟涇鋪 長老鋪

象腰鋪

平望巡司

北

長橋

大湖

磨泉湖

瀆澤

胥胥湖

爛溪

南

吳江縣

江南經畧

平望險要說

平望在縣治東南四十五里乃浙直之咽喉也松陵以南險要無踰於此舊築城堡以扼賊衝亟宜修復而更設官兵屯守庶為至計餘詳築堡議

平望築堡議

平望為浙直要衝宋元以前或置寨或團結偽吳張士誠嘗築城於此鞏固縣城極為有見今之議者但謂宜守勝塹不知平望實控制嘉湖二路若棄而不守使賊

得為駐足之地闖入腹中我兵列屯置守反在於外非計也故必修復舊城屯重兵以扼賊衝更設兵勝壑以為聲援庶幾賊不敢深入耳或引唐湖之捷以證勝壑之當重不知唐湖雖險東西支路甚逕難於隄防向來細民恠於用財有司阻於浮議故謂城不可復非確見也

平望兵防考

宋時設平望寨在吳江縣東南平望鎮團結鄉兵上軍

一百四十四名保伍中取充三工籍一亦名義兵歲以十月聚教至正月終散制誠善也所宜修復城堡屯兵防禦以扼浙直之衝乃為上策耳

鮎魚口險要圖

東
景松工

長橋

垂虹亭

北

石湖

五龍橋

石塘口

鮎魚口

吳山

西

太湖

工南經界各

吳江縣

南

鮎魚口險要說

鮎魚口在太湖之北距縣治十八里南受太湖北流匯
為鼈塘又北過五龍橋入吳縣界為盤門運河為古塘
口入長洲縣界為澹臺湖與運河合賊若自郡城走吳
江必自五龍橋出鼈塘或從太湖或從古塘而鮎魚口
乃必由之道也須設水兵於此與吳縣之五龍橋本縣
之夾浦橋兵船互為策應則舟師之長技捷於島寇百
倍賊必不敢入湖而犯縣治矣


簡邨險要圖



簡村險要說

簡邨在縣治西南數里濱於太湖太湖之南有簡邨巡檢司縣之一都二都四都十九都皆隸焉北至鮎魚口南至震澤鎮西郊之外迤北湖面亦其所轄縣本濱湖汪洋三萬六千頃何所抵極萬一倭寇得入其為縣城之害不淺矣須設官兵一枝屯守於此南與巡司相為聲援北與柳胥西郊水兵相為掎角是固保松陵之要策也

同里險要圖



同里險要說

同里在縣治東十六里

舊名富里

四面皆湖民居稠密迺松

陵東境之藩籬也賊若自松江而來由三泖澱山湖而至同里實當其衝若自崑山而來由新洋江舟直而至同里亦當其衝向因島寇不至議者漫不之及不知賊計多譎萬一有為間道之謀者由此直搗縣治四面兵船救援弗及地方危矣須設水兵一枝於此雜以巡司弓兵朝夕訓練俾與長橋巡司互為聲援不獨禦寇亦


弭鹽盜之一策也

欽定四庫全書

卷三上

三

汾湖險要圖



汾湖險要說

汾湖

一名分湖以其分屬吳江縣及浙之嘉興縣故名

在縣治東南六十里界

浙直之間東通三泖西接勝塹水澤所鍾號為難控雖有巡司轄之然半屬嘉興禦南方之鹽盜已云煩劇況東出章練塘西通泖湖賊寇若自松江而來此實一大道也巡司力薄何能禦之宜設官兵屯守

爛溪險要圖

東

石塘
徹浦鋪
廟涇鋪

北
吳江縣

大湖

西

江南經畧

平安鋪

道成鋪

朱家鋪

平望巡司

爛溪巡司

鴛鴦湖

爛溪

南


爛溪險要說

爛溪在縣治西南十八里北連鶯脰湖為蘇嘉湖三府之界諸水之所會也其地頗類汾湖而受害過之蓋烏鎮為湖州望鎮賊所歆慕而爛溪之南實抵烏鎮之北柵故甲寅之亂賊寇屢進屢退於此苦於無兵任其擄掠舊設巡司於此國朝永樂間移置嚴墓邨控禦長策失之久矣必須修復而更設官兵以守之可也

震澤鎮險要圖

東

欽定四庫全書



卷三上
吳江縣巡司 弓兵數附

長橋巡司

在吳江縣東二里松陵驛東設弓兵四十名往來巡邏

簡邨巡司

在吳江縣東南十五里充浦設弓兵四十名往來巡邏

因瀆巡司

在吳江縣東南一百里吳淞邨設弓兵四十名往來巡邏

震澤巡司

在吳江縣西南九十里震澤鎮設弓兵四十名往來巡邏

平望巡司

在吳江縣東南四十五里平望鎮設弓兵四十名往來巡邏

汾湖巡司

在吳江縣東南六十里蘆墟邨設弓兵四十名往來

巡邏

同里巡司

在吳江縣東北十六里同里鎮設弓兵四十名往來

巡邏

爛溪巡司

在吳江縣西南十八里爛溪鎮永樂間移置縣治東

南九十里嚴墓邨設弓兵四十名往來巡邏

吳江縣倭患事蹟

嘉靖三十三年甲寅

四月賊突至夾浦官兵擊走之

先是吳江知縣楊芷遣飛艦遏賊於吳松江上游
是月二十三日賊自崑山沿吳松江至夾浦水兵
船逐之大戰於陳湖斬首一十八級生擒二酋賊
遂還走崑山時賊入寇已數月矣莫敢與之對敵

陳湖捷後吳人始有關志

五月賊犯平望知縣楊芷率官兵擊却之

賊衆五十二人由湖州之烏鎮突入爛溪至平望
欲迫縣城知縣楊芷令沿塘舉火賊見有備遂奔
錢田本邑兵圍之困賊三日會夜大雨收兵賊乘
間奪湖州兵船以遁屠戮甚慘芷射書賊營賊亦
款答有不敢相犯之語抵夜芷列熾焚之賊見燒
營由黎里走泖湖旣而復有賊自松江來至東蕭

浙江兵禦之弗利遂進掠黎里同里等邨芷親率
水兵船躡之與嘉興兵會擊於王江涇擒斬二十
八人

六月知縣楊芷舉人周大章邀擊賊於石湖勝之

十一日賊衆三千餘人掠郡城擄舟十二滿載而
出將歸柘林懼東北兵阻乃出石湖趨吳江知縣
楊芷舉人周大章生員吳詒率輕舸由瓜涇港邀
戰時湖水枯涸賊列伍逆上我兵以鉤鑽搏之斬

首十有六級生擒三十餘人賊懼登火燒橋四望
並以賊衆我寡恐夜襲城馳入縣明日賊由支河
過夾浦進迫縣城會增築城垣工匠兵船蟻集賊
度不能攻乃燒倉廩數連掠民財而返十四日賊
餌水兵由平望而去所過焚掠以哨兵躡之斬首
六級

十二月賊再掠平望

柘林賊也擄掠而去

三十四年乙卯

正月賊復至平望兵備參政任公環命知縣楊芷舉人周大章分督官兵禦擊大敗之賊遁歸柘林

是月也賊陷浙之崇德縣擄民船五百餘艘歷南潯楊堰至平望六里橋乃十九日也兵備參政任公環伏沙兵特擊之僧兵洩其機沙兵被害及溺死者甚衆任公命知縣楊芷及舉人周大章分督水兵伏於橋之東西蕩中賊至伏起賊捲幟欲遁

水兵亟擊之斬首一十五級飛礮擊死者二十餘人所掠財寶亡殆盡會新城雨裂城隍廟災恐賊棄舟窺城我兵迺遶朱家橋據盛塹以阨之又取民間蘆葦稻草焚於兩岸烟燄蔽天賊遂宵遁副使任公環孫公宏軾知府林公懋舉總兵俞大猷等大敗賊於勝塹

賊自嘉興流至平望分道而來一支由太湖爛溪南麻一支由張邨黎里出牛腸涇期會於蘇州兵

備副使任公環太倉州知州熊桴本縣知縣楊芷
禦之於梅堰皆勝之賊乃遁去二十六日賊復從
嘉興至唐家湖湖水洶湧賊不能渡芷率兵北岸
阻戰賊駭奔平望奪舟橫渡芷令善泅者鑿其舟
而自屯兵截盛整斷其隄并布釘板於水底賊不
敢渡會浙江巡按御史胡公宗憲調遣保靖宣慰
司彭蓋臣彭翼南率兵二千來援副使孫公宏軾
總兵俞大猷以浙江兵至副使任公環知府林公

懋舉以狼兵至兵威大振賊退屯王江涇明日復進至平望彭蓋臣為先鋒與諸兵合擊之狼兵首殪其渠魁一人賊氣沮捐貲於狼兵求脫不聽東西皆阻水官兵南北夾擊之斬首一百餘級轉戰至楊家橋又斬首二百餘級遠近稱快更盛整之名曰勝塹是戰也提督都御史周公琬巡按御史周公如斗令所在清野賊無所掠枵腹而戰故我兵易於奏捷云

四月賊犯縣境巡按御史周公如斗遣兵禦於勝塹
與浙江兵夾擊大敗之

巡按周公如斗調遣知府林公懋舉總兵俞大猷
宣慰彭蓋臣浙江巡按胡公宗憲調遣副使孫公
宏軾諸道兵夾擊之斬首三千餘級

五月賊至平望浙直官兵會擊大敗之

先是永保兵既失利賊遂肆意攻劫一西北入太
湖犯常州一西南犯嘉杭湖至塘栖二宣慰復失

利賊掠北關去欲由蘇州出海道經平望浙江巡按御史胡公宗憲副使董公士弘僉事王公詢以浙江兵至副使任公環知府林公懋舉以直隸兵至夾擊之賊遂大敗走松江至三店官兵邀擊復敗之先後斬賊級七百有奇中毒死者千餘人六月賊復至平望官兵擊却之

是月初七日賊在杭州擄官航載輜重欲由蘇州出海乃北從烏鎮經爛溪抵平望提督都御史周

公琬檄總兵俞大猷擊之戰於烏蕩知縣楊芷率
兵戰於鶯脰湖皆告捷賊悉衆北向巡按御史周
公如斗兵備叅政任公環帥官兵據勝塹以禦之
浙江巡按御史胡公宗憲亦提兵來援賊大懼夜
從王江涇遁去

三十五年丙辰

七月賊掠吳江東南諸鎮


零賊六十餘人突至牧犢潭歷汾湖周莊所過焚

掠望平湖而去

按三年內賊凡數入寇率不得志則清野之效
也以飽待饑羣策畢舉賊雖橫將焉乘之惟沙
兵一弱至今令人扼腕為將者慎毋幾事不密
哉

嘉定縣境圖

卷三上六十五



嘉定縣總論

嘉定東濱於海南據吳淞江北枕劉家河誠三面受敵之地也寇舶之來也大海渺茫難於收泊以寶山為表識故蘇之寇患惟嘉定受之國初海防舊規原設吳淞江千戶所與江東二旱寨各有城堡官軍相為犄角邇年島寇猖獗權以總兵官鎮守所城旱寨則撥軍巡守似為有備但事寧之日恐不免於裁革非久計也如愚見莫若陞吳淞所為衛添設一衛軍額以一把總指揮

有才力者常川領之陞寶山寨為所設一所軍額以一千戶有才力者常川領之或就於太鎮二衛中奏遷一衛於吳淞所止留一衛在州實其軍伍足其芻糧時其訓練如李抱真教澤潞兵稱雄天下豈非東海一長城哉不寧惟是沿海一帶吳淞江之西自吳淞江抵太倉州界三十五里吳淞江之東自老鶴嘴抵上海縣界三十五里隨處可登長驅而入知縣楊旦嘗議以每五里立一營寨每寨闢一教場精選土兵一百人統以耆民

四人訓而練之擾而馴之通計土兵一千三百人遇警則併力夾攻首尾相應實常山長蛇之勢也識者偉之使後之人善守而不變賊豈能登岸哉嘉定無患則不惟過寇上游腹內諸縣受庇多矣太倉華亭上海海濱設險亦將效之是又為鄰邑師也或曰海壩烽堠密矣奚以寨為曰守壑兵寡僅可傳報不能戰也設寨兵則二十里常有精兵四百人可以追勦可以應援矣或又曰使賊衆而我寡如之何曰賊衆若至千人則總兵與

早寨將官提兵攻之矣況江灣羅店皆有團營豈專恃此寨兵四百而已乎諺云千兵一陣不如百卒三枝謂其可以合可以分更番而迭進也其見長矣

嘉定縣境考

嘉定縣在郡城東一百四十里唐時為崑山縣膠城鄉

舊誌云膠城在縣南門外元時築教場於此得古塚碑石云唐咸通二年莊府君葬於膠城鄉今名膠塘又以避吳越王錢宋為崑山東境安亭春申臨江平樂醋塘

繆諱改婁塘

五鄉嘉定十年知府趙彥櫟奏言崑山為邑十四鄉五

十二都東西相距幾二百里縣治遷就馬鞍山僻在西
北西七鄉與官司相接稍稍循理自縣治東至練祁七
十里練祁至江灣又七十里通計一百四十里其間止
有相見灣楊林兩寨皆不足倚仗故東七鄉之民憑恃
去縣隔絕與官司為敵不奉命令不受追呼請於練祁
市添置一縣乃割東境五鄉改安亭為服禮春申為守
信臨江為依仁平樂為循義醋塘為樂智置縣治於練
祁市名以紀年曰嘉定在宋為上縣元元貞二年以戶

口計例升為中州國朝洪武二年復為縣弘治十年增置太倉州割循義樂智二鄉之半隸焉

廣八十一里袤五十三里東至海岸四十里西至崑山縣界三十六里南至松江府上海縣界三十五里北至太倉州界二十里東南至上海縣界七十二里西南至上海縣界三十六里東北至海岸四十里西北至太倉州界三十六里

嘉定縣城池考

嘉定縣城宋嘉定十二年知縣高衍孫築土垣嘉熙四年七月為颶風所壞閏十二月知縣鄭霖重築元至正十六年張士誠據吳遣其將呂珍改築始用磚石周九里為門四東曰晏海西曰合浦南曰澄江北曰朝京東西南各有水門不久圯廢國朝正德間流賊據狼山知縣王應鵬築土牆備之嘉靖十五年知縣李資坤增砌北水門又於其上建樓三楹十九年海寇秦璠王良等倡亂知縣馬麟增崇土牆三十二年倭入寇知縣萬

思謙以土牆難守改甃以甃基廣五丈面濶三丈未完而以擢去東南隅毀於霪雨知縣楊旦繼之次第綜畫重築改置四門各建樓一座易澄江曰宣文合浦曰濟漕朝京曰振武晏海則仍其舊重濬外濠踰年而功成方其築時賊意謂可直搗數肆侵擾二載之間犯境凡五十餘晝爾戈矛宵爾楨杵益與松江上海縣之城同時並舉而士民協心得不致潰且堅完過之屹然為諸邑之冠君子以為難

城

週圍二千二百六十六丈六尺崇二丈六尺基廣
五丈面濶三丈

池

週圍二千二百六十五丈深一丈廣三丈有奇

門

陸門四座水門三座

敵臺

一十六座

窩鋪

三十四區


雉堞

二千三百六十九堞

按蘇郡諸邑嘉定之城為最蓋城身寬濶居民
自蓋小房於上誠不守之守也且內外金湯掘
有品坑可保無虞

嘉定縣備寇水陸路圖

卷三十一



嘉定縣備寇水陸路考

東瀕大海

其道有五由縣東歷羅店月浦吳淞所而至海者其中路也由江東老鶴嘴寶山李家堰一帶皆可以至於海者其南路也由東北境牛角尖太倉界以至海者其北路也三者皆陸行之道也由黃浦東出吳淞江口以入於海或由吳淞劉河適均之間東出黃窪塘以入於海二者亦

謂之中路皆水行之道也此惟牛角尖為間道
其餘皆正道也

西距崑山

其道有三由外岡葛隆鎮歷太倉南馬頭而至
崑山之東門者其北路也由葛隆鎮蓬閣廟水
墟而北者其中路也由方泰外岡安亭車塘而
至崑山之東南門者其南路也北路道之正者
也中路南路皆道之間者也

南接松江

其道有四由外岡安亭青浦唐行鎮以至松江之北門或由黃渡盤龍鎮以至上海之西門者皆西南路也由南翔柵橋水陸俱可至上海之北門或由江灣入黃浦而至上海之東門者皆東南路也內惟南翔為正道其餘皆間道也

北抵太倉

其道有三見太倉州水陸路考

右水陸可通之道凡十有五雖皆兵防之所當知然不能一一而設備也惟擇其中之險要者建寨柵勑屯營專駐官兵以為守禦之計其餘亦惟以游兵行哨奇兵設伏輕兵出襲焉斯可矣共計邑之險要有八曰江東二旱寨寶山高橋曰吳淞所曰黃窪曰羅店曰江灣曰婁塘曰外岡鎮曰南翔詳見各圖說於後

江東二旱寨險要圖

萬

東

鎮朱小

鎮

鎮新

鎮馬

旱寨

旱寨

界

高橋鎮界

界

鎮行家高

黃浦

吳松江

江松吳

吳松江

所松吳

嘴鶴老

山寶

界家史

北

南

嘉定縣

西

江南經畧

七十四



江東二旱寨險要說

江東旱寨有二一在寶山一在高橋鎮皆國初設兵以備倭者也今廢久矣無人議及此者豈以青南當其前吳淞擁其後而寨兵單弱不足以當利害故耶殊不知江東地饒民殷而守江守浦兵船俱在內地青邨南匯川沙柘林諸堡皆可遏賊於南吳淞江兵船僅可遏賊於北若賊至而南北阻截不能登犯其勢必趨於此蟠據為巢穴藉糧於我內地紛擾此其厲階也甲寅乙卯

賊首徐海屯柘林而令葉明屯此與新塲陳東合為二
窟勢如長蛇卒難殄滅由我自失地利故也今寶山高
橋二地之中有界浜焉乃嘉上嘉定上海之鴻溝也宜令蘇
松併築一城設兵屯戍一如常鎮孟河事例有警則二
地之民携家以入輜重在是子女在是民將僇力死守
寇自無糧可資蓋堅壁清野之長策也二寨雖廢庸何
傷乎

寶山築堡議

寶山在吳淞江之東嘉定與上海接壤南至川沙堡六十里北至馬沙壑四里東至海岸一里西至吳淞所三十六里皆其信地南自徐家溝北逮老鸛嘴止一帶俱為險要舊有旱寨城堡今圯廢已久雖去吳淞大營不遠然阻隔黃浦聞警調兵猝難濟渡近因寇患調太倉衛千戶領軍屯駐寶山然無堡可守非久計也應令蘇松二府按照國初舊制修復故堡或於寶山高橋二地之間如界浜者併築一城選集軍兵專官統練以備守

禦屹然為海孺雄鎮豈惟要隘有備并南匯青邨一帶
接應更便是在當事者加意焉

御製寶山碑附錄

嘉定涉海之墟當江流之會外即滄溟浩渺無際凡海
舶往來最為衝要然無大山高嶼以為之表識遇晝晴
風靜舟徐而入則安坐無虞其或暮夜煙雲晦冥長風
巨浪帆檣迅疾倏忽千里舟師弗戒瞬息差失觸堅膠
淺逆取顛躓朕恒慮之今年春乃命將士相地之宜築

土山焉以為往來之望其址東西各廣百尺南北如之高三十餘丈上建烽堠晝則舉煙夜則明火海洋空濶遙見千里於是咸樂其便不旬日而成週圍樹以嘉木間以花竹蔚然奇觀先是未築之前居民恒見其地有山影及是築成適在其處如民之所見者衆曰是蓋有神明以相之故其兆先見皆稱之曰寶山因民之言仍其名而不易遂刻石以誌之

寶山旱寨兵防考

寶山在嘉定縣東南八十里依仁鄉洪武三十年太倉衛都指揮使劉源奏建旱寨名江東寨著令太倉衛分撥指揮一員千戶二員百戶四員額軍四百名屯守防禦永樂中平江伯陳瑄督海運築寶山於其地因名寶山寨正統九年都指揮翁紹宗建磚城於寨左遣太倉衛軍守禦崇明遂委鎮海衛軍兼管後城漸圯兵防亦廢嘉靖三十六年復調太倉衛中千戶所領軍一千名屯守改名協守吳淞中千戶所

欽定四庫全書

江表志
卷三上

高橋鎮旱寨兵防考

高橋鎮在嘉定縣東南八十五里八都舊名青浦鎮與寶山寨對峙洪武十九年鎮海衛都指揮使朱永建堡名曰青浦寨著令鎮海衛分撥指揮一員千戶二員百戶四員額軍四百人屯守防禦承平既久兵防漸弛城堡亦廢亟宜修復以固邊防

老鶴嘴賊巢議

老鶴嘴南有地名李家堰者西抵江東抵海相距僅二


里許其咽喉之地一水界斷南北築二堰以通往來宜以土人知地里者深夜潛開此堰使賊不得越水而南更得精兵三千嚴守此地勿容賊得填洪但我兵屯此則上海七團八團之賊恐來應援腹背受敵非計也又須得精兵三千屯於太平寺等處以遏上海之援則李家堰兵可以專力於老鶴嘴而賊據彈丸窄地三面江海禾稻收割已盡財物劫掠已空不十日間將餓而斃矣此誠滅賊之上策也老鶴嘴賊滅則北偏一段稍得

欽定四庫全書

卷三上

寧息用武有地而上海之賊可以迎刃而破矣乃苦於
無兵失此經畫惜哉

吳淞所險要圖



吳淞所險要說

吳淞所距縣東南四十里東濱大海北枕綠洶其南即
吳淞江入海之口也吳淞江發源太湖縈紆二百餘里
為中吳諸水第一其入海之口為海道咽喉三吳門戶
故特置所城於此而以副總兵鎮之此諸越之定海焉
或曰均之濱海也險要莫如劉家河而以此為第一何
也曰海中諸夷狡猾莫如日本人寇亦莫如日本山東
浙直與寇為鄰然山東之海水勢湍悍山脈聯絡非熟

其徑者不可行且勾引接濟之人未嘗有也故倭患獨
浙江之海山嶼為多而通番者獨衆故寇舶自外海而
來以洋山為入犯之的必至此而後分鯨若直隸之崇
明則諸沙錯落延袤三百餘里暗塗相貫有若為華夷
之限者惟三升高家一路可以通舟而不可重載惟此
一路寬深可行無有壅碍

寶山之外沿海有楊家路者是也

而竹箔一

沙橫亘其外隱然為之外護國初海運特築寶山以為
準的蓋為此也今之守江固云密矣而竹箔沙之守殊

為單弱非扁固外戶之意或曰今之戰艦必以此為會
哨之地乎曰竹箔之南吳松之要道也竹箔之東劉家
河之門戶也若設重兵於此防守賊豈惟不能侵犯內
地雖二江之口亦得息肩矣昔人常欲徙鎮海衛於寶
山豈無意耶所惜舊城正當綵淘港口因東北一隅坍
海故徙內地雖去不遠然氣自孤乙卯之寇避江口兵
船之阻悉自綵淘港出入兵船竟莫之誰何蓋以守江
為要務而不之及也殊不知綵淘一港直貫練川水陸

皆通賊舟入犯尤為便易安得謂其非險要也而忽之

吳淞所城池考

吳淞所守禦城國朝洪武十九年滎陽侯鄭遇春築土為之周六里有奇永樂十六年都指揮谷祥張翥增築高二丈七尺始闢四門因去海止三里潮汐衝激嘉靖初東北漸傾兵備副使王儀更築土城於舊城西南一里十八年城東北隅傾於江壓溺男女五百餘人十九年海寇秦璠王艮等入寇焚劫遂移棲土城以舊城為

教場三十二年巡按御史尚維持以土城難守檄知縣
楊旦改甃磚石

城

周圍七百二十丈凡四里高二丈四尺濶二丈九
尺

池

外城河廣六丈深一丈有奇內城河廣三丈深八
尺

門

陸門四座水門二座

敵臺

一座

窩鋪

四十座

雉堞

一千一百九十四垛本所與協守所並分守禦本

所管東北二方該五百九十七垛協守所管西南

二方該五百九十七垛

吳淞所兵防考

吳淞江守禦千戶所洪武十九年滎陽侯鄭遇春與鎮海衛指揮朱永奏建隸中軍都督府屬太倉衛統軍一千二百五十人後委鎮海衛官并差軍更番守禦嘉靖十九年賊寇秦璠等作亂繼以倭患議設總兵駐劄鎮江往來應援三十二年始專駐吳淞所設吳淞營把總

一員統水兵三千九百二十名遊兵營把總一員統陸兵三千名舊以元分鎮萬戶府為所治後撤造太倉軍儲倉嘉靖二十二年千戶周傑復建在所城南偏軍器局在所東南教場在所西北陸營把總司在城東南水營把總司在城西南

吳淞江兵船議

嘉定沿海地方共七十里吳淞江口乃適中之處也由江口迤邐而南則自老鶴嘴以至寶山南匯金山出江

口迤邐而北則自綵淘以至黃窪劉家河由江口而深入則南迤五十里即為黃浦直至上海由黃窪而登岸則嘉定太倉崑山蘇常連數百里是吳淞江者南為上海門戶西為蘇常藩籬乃東南第一險要備吳淞即所以備上海備上海即所以備蘇常也舊制原設吳淞江千戶所守禦於江之西岸嘉靖十八年海水決蓄所城僅存西南一隅官軍靡依乃復建新城避水患周圍四里當大江之傍倭患猖獗本所力不能支當道建議合

太鎮二中所與吳淞所並處新城氣勢宏壯兵稱足矣
兵食不乏城守自堅況新設總兵衙門水寨兵船聽調
哨守蘇松水陸咽喉何固如之所不能無議者哨守之
法似猶未善兵船之數似猶未敷請詳言之夫海洋追
剿惟福船最為得用但海天茫濶瞭望難周地理遼邈
防禦難密須多造福船多募福兵為第一義耳以事理
計之福船須得四百隻福兵須得四萬人以吳淞江為
老營分福船為四班以一百隻泊吳淞江專守老營以

一百隻哨至寶山之南直抵高家嘴以一百隻哨至高家嘴之南直抵陳錢馬蹟以一百隻哨至劉家河北直抵福山狼山此往則彼來此來則彼往絡繹於數千百里之間皆為有備聯屬於煙波浩渺之地固所空隙擁衆大舉之寇合力抵禦昏雨零至之賊隨遇成擒此計之得者也若株守吳松不為分番出哨之計未免顧此而失彼若直守馬蹟不為反觀內顧之謀未免慕遠而遺近是在當事者籌之

福船捕盜議

或問福船捕盜每日口糧六分各兵每日五分當此糧
餉不給之秋常恐其不繼也況此輩一得糧賞即萌歸
志如之何可用乎曰不然福船蒼船最為海洋禦寇要
具隨船梢手舵工等役非久於從事習練精便者不堪
用也若以沙土兵更代福浙舟師恐二兵雖或通水道
便撐駕而轉篷起碇把舵及修做掣纜貢具等類俱非
所能設有警急措手何及似宜以沿海衛所正軍盡數

查出每福船一隻以正軍攬補二十名令其在船習學起碇轉蓬之類明年又以各軍攬補二三十名一二年之後我軍皆能駕使福船則糧餉可省而亦可以無賴於點強難制之輩矣但今各衛所軍應得正糧每年止給一二月不能謀生去而為商賈為技藝為盜賊營伍空虛遇變無恃今之州縣軍儲倉糧在有司每以為可緩在糧長亦以為可負此軍之所以枵腹待哺而無從得實也自今州縣徵糧必宜先解軍儲後發兌運應時

給與庶可責其成功矣

欽定四庫全書

卷三上

黃窪港險要圖

東

北

劉家河

黃窪港

黃窪塾

顧涇港

顧涇巡司

蘇州港

吳松江

吳松所

早寨

江灣巡司

黃浦

南

西

江南經畧


嘉定縣

寶山

黃窪港險要說

關

羅店鎮險要圖



羅店鎮險要說

關

江灣鎮險要圖

北

東

吳松所

老鶴嘴

寶山

旱寨

江灣壑

江灣巡司

江灣鎮

寶花寺

大場鎮

楊家行

廣福鎮

嘉定縣

西

南

江灣鎮險要說

江灣鎮在縣東南七都

宋建炎中韓世忠統兵禦烏珠曾駐中軍於其地今尚存架大

燾石旗樁二個高二大餘在關閘中

離縣治六十里吳淞江自東北而

來至此轉折而西至鎮之南遂為黃浦入江之口吳淞

所為江海第一關鑰今既稍遷內地第一險要失矣賊

舟乘潮突入西南入黃浦以犯上洋必經此地則此地

其吳淞江第二義乎今之議者漫不之及豈以守浦守

江既有兵船則此地為贅疣也殊不知上海縣城逼臨

黃浦賊入黃浦事已掣肘東西奔馳兵船分則勢弱合則照顧不及非至計也為今之計不若築堡屯戍守此與江東旱寨相為聲援守浦兵船自內應之吳淞兵船自外襲之賊豈敢長驅出入乎

欽定四庫全書

卷三上

婁塘鎮險要圖

北

割家河

北橫澀

雙塘

灰白溝

婁塘鎮

西

東

江南經畧

墅溝

心中橫澀

嘉定縣

南

卷一

大邑回夏八

江南經畧

江南經畧

卷一

大邑回夏八

江南經畧

江南經畧

卷一

婁塘鎮險要說


婁塘鎮在縣治北十二里橫瀝塘中貫之北出劉家河入海俗所謂公塘者是也賊自劉家河西來折而南行入橫瀝至縣治不過二十里婁塘實當其衝其地民居稠密田塍平曠可以馳騁可以屯駐若設兵守之賊豈能直搗城下乎自嘉靖癸丑迄丙辰無歲不受其害雖嘗議設鄉兵防禦然無營寨可守惟據西石橋以戰賊自間道出我兵之後即驚潰無策矣婁塘不守縣城復

何恃乎且其地多富民而無王濬創鎮之才遠大之智
甘為賊擄而不思善後之圖亦可怪也

欽定四庫全書

卷三上

外岡鎮險要圖




外岡鎮險要說

外岡鎮在縣治西十二里嘉定之水南北莫大於橫瀝
東西莫大於練祁而練祁之水自西關出合顧浦以入
吳淞江若賊掠松江而歸恐為吳淞江兵船所截必間
道走唐行青浦安亭以趨太倉之南關則練祁為賊所
必由之道也自練祁北折則為鹽鐵鹽鐵塘在嘉定縣西南十八里南至松江葉謝北達太倉江陰入江松江葉謝北達太倉江陰入江相傳吳越王於此運鐵故名鹽鐵入劉家河則太倉
南關矣若賊自南關分蹤出掠亦必入鹽鐵以趨嘉定

外岡鎮亦當南北交會之衝且密邇縣治可以掎角非
設兵守之不可也今之議者咸謂宜守葛隆安亭而棄
外岡夫葛隆小鎮安亭僻遠徒分兵力何益事機須於
此戍守不惟可以遏賊之衝實與縣城互為聲援葛隆
安亭二鎮不必設兵而聲勢自振矣

南翔鎮險要圖



南翔鎮險要說

南翔鎮在縣治南二十四里又南二十里為吳淞江南橫漚之所經也材貨所萃商賈所集盜賊以為名鎮而必爭者也且當縣治正南賊自吳淞江而來必經於此而後達於縣治蓋南郊之關鍵也嘉靖甲寅倭寇犯之賈人布板於簷端以矢石下擊殺賊頗衆然無堡可守外援不至浹旬而後潰為今之計莫若募富商築堡以居無事可免擊柝之憂有事則據堡而守兵不必出於

官而自足餉不必運於官而自備萬一為賊所困則命一旅援之而已蓋此鎮為百貨所居而弓矢又商賈之長技也

嘉定縣巡司

弓兵烽堠附

顧逕巡司

在嘉定縣東三十里顧逕設弓兵四十名往來巡邏所屬烽堠四座

月浦

爛倉

顧逕港

五岳塘

每墩另設瞭守弓兵五名

吳塘巡司

在嘉定縣西南三十六里吳塘設弓兵四十名往來
巡邏所屬烽墩九座

青岡

黃泥涇

外岡

城西

石門岡

馬陸

馮家橋

黃渡

沙岡

每墩另設瞭守弓兵五名

江灣巡司

在嘉定縣東南六十里江灣鎮設弓兵四十名往來巡邏所屬烽墩一十七座

沙浦

湯字圩

呂字圩

生字圩

南翔

周家浜裏

周家浜外

衣有字圩

致字圩

東潛字圩

中潛字圩

西潛字圩

大場

胡陸灣

江灣

五通廟

秦家店

每墩另設瞭守弓兵五名

嘉定縣倭患事蹟

洪武二年己酉

二月賊寇吳松所海濱指揮朱文擊敗之

七年甲寅

八月賊寇海濱

永樂二年甲申

四月對馬歧倭寇海濱

嘉靖三十一年壬子

七月賊寇吳松所百戶馮舉宗元爵等禦戰死之

賊據楊氏宅洞牆屋四望徐候船南走官兵追之
賊匿葦荻中免越數日乃去

三十二年癸丑

閏三月賊首王直犯縣境

賊自烈港之敗以百餘人自白馬廟而來收集餘黨流突蘇松掠縣之寶山鎮撫陳憲疑為鹽盜率輕兵追之後知為直不敢襲

賊犯婁塘鎮

倭船至寶山洋都指揮王世科府同知任環合兵勦之百戶張治力戰死之賊夜遁任環追擊之弗及前歲倭舶之入以為失風非來寇也稍縱之得志而去至是乃復來金山備倭都指揮王世科蘇州

府同知任環合兵勦賊選士卒數百人分為五隊
即日渡江命吳松所百戶張治率甲士五十人為
前鋒治持戈躍馬奮不顧身與賊遇於寶山之麓
劇戰賊魁胡藥師最驍勇身被重甲數鎗不能入
以鐵戈擊其首乃斃殺賊衆十有三人治力倦下
馬搏戰被賊橫刺而死衆見治死遂潰走環獨不
走賊奮而前有一敢死士徐珮以身捍環乃得免
明日環復出挑戰賊不敢出相持數日思以計困

之賊夜半從海岸遁去環覺之率師追擊不及而還

府同知任環守備解明道敗賊於吳淞江口

賊至劉家河揚帆而西守備解明道與六合知縣董邦政率兵迎擊之追及於吳淞江口值綠淘港復有新賊至者與之合蹤勢益猖獗官兵莫敢進操江都御史蔡公克廉遣蘇州府同知任環率兵往助之賊遂敗走俘斬一百有奇

賊首鄧文俊等分掠縣境

四月賊陷吳淞所城

初九日倭船數十艘從大洋中來徑趨黃窪港入
劉家河登岸殺人進掠婁塘鎮民悉奔竄擄掠財
帛不可數計又進攻太倉州城軍民嬰城固守乃
轉掠而東攻吳淞所城城惡不可守遂陷入之西
掠月浦及羅店等鎮

守備解明道襲破吳淞所賊遂復所城

賊既破城遂入據為巢越十日守備解明道襲破之斬賊首百餘級賊首三大王六大王死焉遂復所城賊遁出海復為太倉州判金汝舟千戶楊循禮所敗擒斬八十有奇

五月賊犯縣城知縣萬思謙禦却之

初三日賊由羅店進薄縣城先是民疑土城易陷望風而走知縣萬思謙料賊深入為城守計至是咸備外則設坑塹布蒺藜內則倩客兵募義勇萬

餘人登陴固守賊本謂城非甃石易與耳至見守
禦嚴整相顧失色乘東風縱火煙焰蔽空思謙叩
頭顙天風反而西應天府檢校張大倫固原人適
捧臺檄至善騎射賊有桀黠者奮勇先登大倫發
一矢中賊吭賊應弦而倒於是矢石交下賊多被
傷而去

六月官軍追擊賊於寶山洋大敗之

賊自上海縣掠財帛子女滿載而南官軍與戰不

利殺百戶卜相陶臣鎮江衛知事吳宗德邀擊之
賊驚潰爭舟溺死者不可勝計守備解明道府同
知任環伏兵吳淞江口擊之追至寶山洋賊遂大
敗

十一月倭舟泊寶山叅將湯克寬擊敗之

賊由華亭縣滌缺登岸流劫移舟泊寶山克寬引
舟師迎擊至高家嘴毀其舟斬首七十三級生擒
十四人

十二月南沙賊遁至黃窪

三十三年甲寅

正月賊首蕭顯犯縣城還屯海上浙江提督都御史王公忬遣叅將盧鏜率師來援

先是除夕任環以賀聖節還郡官軍守備稍懈賊乘間於歲旦渡海而西泊舟施家港初五日薄嘉定縣城時知縣萬思謙董衆築城城南畢工賊至遂不能拔因轉掠南翔廣福屯據海上官軍與戰

輒不利賊益猖獗浙江提督都御史王公忬太倉人也遣兵赴援叅將盧鏜率舟師從海道至賊悞以為黨喜而出迎近視之乃官軍也大驚而退時任環以同知陞兵備僉事相議出師會勦鏜知湯兵不可用謝却之獨將其軍以進賊衝鋒而前堅壁不動明日復如之又明日賊出行劫弱視盧師故也鏜命二舟載薪與賊相近以舉火為約度賊歸路設伏兵以待之薄暮賊歸官軍迎擊之已而

火起伏兵盡合前後夾攻賊大敗斬獲過半餘衆
南走鏜慮軍士貪戀財帛追之不力命盡焚其舟
追之青邨所城賊入城官軍圍之會天大雨復乘
間潰圍走鏜還至松江拽不用命者斬於軍門
獲賊首陳二

時陳二詐為奸細在途被邏者執之
賊分掠南翔等鎮叅將湯克寬擊敗之

賊犯南翔鎮賈人布板於簷端以矢石下擊殺賊

顏衆外援不至決旬而潰遂流劫婁塘等鎮克寬引兵迎擊大敗之

二月都指揮盧鏜敗賊於史家浜

時賊首蕭顯據史家浜為巢鏜率師進搗大敗之賊死者無筭乃遁往浙江海寧縣鏜復追擊敗之其別鯨之在歸家港者僉事任環亦擊敗之

三月倭賊入吳松江總兵湯克寬率師迎擊之擒斬無遺

是月十六日復有賊首劉三率其黨二百餘人駕
數舟直入吳淞江登岸劫掠適克寬領兵從松江
來知官軍且戰且却召把總千戶田某將斬之田
曰罪固當斬但兵船統自耆民不聽節制即召耆
民抗令者斬之衆皆股慄遂督兵合戰邳兵有退
怯者亦斬以徇由是軍民齊奮戰鬪益力賊不能
支奔匿舟中官軍兩岸夾攻砲石交下斬首級一
百七十有奇餘悉就擒無一人得脫者

賊掠南境邨鎮抵松江

倭船一艘突至黃窪登岸轉掠而南官軍與戰不利遂越南翔鎮由封家浜直抵松江邑之西南二境盡為騷動

四月賊屯老鶴嘴

賊圍縣城蘇松州縣各被圍不相救

是月十六日賊至嘉定攻圍縣城城中悉力拒守幾為襲陷者再相持彌月漸解而去初賊之始至

也不滿百人及其再至也亦不過千人至是則連
結諸島萬衆深入州縣各被圍不能相救賊晝則
剽掠四出夜則聚歸城下窮鄉僻巷悉被焚劫火
焰燎原積尸遍野吳淞江南數百里一變而成丘
墟矣

總兵俞大猷敗賊於吳淞所

賊舟入吳淞江者十六艘俞大猷率師邀擊大敗
之沈其舟十一艘斬首二百五十有四級

六月賊由縣治進薄府城大肆焚劫尋還屯海上

先是賊衆五百餘人歸未至島遇颶風復飄至海上六月初一日由嘉定縣趨蘇州府城大肆焚劫又南由吳江縣抵松江府復還海上因巡船邏擊不敢出襲時調來狼兵不滿百人每與賊遇賊輒披靡偶以二十人當賊二百人為賊所圍力戰得出殺賊五十餘人狼兵死六人其間二人尤驍勇賊至劉家行單騎追之賊知其為狼兵也匿二賊

於厠中從後擊其首遂斃自是狼兵少怯

把總劉堂敗賊於吳淞江口

三大浦賊遁出海為太倉知州熊桴所敗餘賊遁至吳淞江口為堂所敗其酋急速如郎就擒斬首二百六十餘級

八月賊攻縣城

賊首王直分遣其酋吳德宣徐碧溪自綠洶港率衆千餘入攻縣城時賊薄西門夜偵守者卧遂梯

登之及女牆守燈童子震呼衆驚覺擠石墜梯賊
遂退童子呼時刃及死矣知縣萬思謙哀之琢童
子石像坐於城闌東

上命兵部尚書張公經總督軍務率文武六臣提兵
南下與賊戰敗績賊屯老鸛嘴

初張公經提督兩廣威名甚盛至是遂膺簡命以
兵部尚書兼提督叅將李逢時許國叅政許天倫
副使周臣兵部郎中盛唐譚綸俱聽節制率青徐

兵六千人抵海上賊聞天兵至徻西上逆戰官軍
出戰賊退走明日復如之青徐兵俱召募惡少許
李二叅將皆世胄子不諳兵法不識地利各務僥
倖成功黎明出師申刻渡河而東其半猶未渡賊
匿舟中無一人哨者須臾潮漲賊一人騰躍而上
餘衆四起官軍遂亂蹂踐沒溺刺殺而死者二千
餘人資糧器械悉為賊有所喪多矣二叅將懼誅
遂多殺平民之寡髮者以冒擒獲是時也賊雖倖

勝然不敢出海移舟老鸛嘴據為巢穴

賊薄縣城叅將李逢時迎擊敗之

賊退據羅店鎮官兵追擊敗之

斬首八十餘級

官兵擊賊於綠淘港遇伏兵潰指揮劉勇力戰死之
初叅將李逢時與許國以山東民鎗手六百人至
與賊遇於新涇橋逢時率麾下先進擊敗之許國
憾逢時同事而功先乃從間道襲賊欲分逢時功

追至綵淘港乘勝深入遇賊伏起官軍大潰溺水
死者千人指揮劉勇戰死諸軍倉猝不整遂大敗
詔逮逢時等東兵稍自引去總督尚書張公經請
下有司追捕兵部覆奏此係北土烏合之兵驅之
蘇松澤國固非所宜不如悉放遣之詔可

官兵追擊賊於老鸛嘴四馬洪大敗之

王直知官兵將搗其巢乃進營於師家浜官兵擊
敗之已而由原港出海水兵追戰於老鸛嘴之四

馬洪復大敗之

三十四年乙卯

正月老鶴嘴賊遁走與柘林賊合

先是嘉定知縣楊旦募土人敢死者夜燬賊厰火
賊舟多方撓亂故不得安鑿渠通海以為退計正
月初二日乃乘間遁去官軍追至寶山重霧漫天
僅獲賊一舟斬首六十餘級賊遂與柘林諸賊合
夥

五月賊屯縣境兵備副使任公環擊殲之

時倭舟被風飄回者五十人屯嘉定縣民家環率
兵攻之不克乃投火民宅爇之賊盡殲焉

八月賊由吳松江遁出海洋把總楊尚英追擊敗之
沈其舟六十艘俘斬三百有奇

九月川沙賊遁至吳淞所兵備副使任公環擊敗之
總督都御史楊公宜遣游擊將軍曹克新統川兵
搗川沙賊巢大敗之燬其巢賊遁至吳淞所兵備

副使任公環督舟師襲擊之斬獲大半餘遁走清
水窪

閏十一月官兵敗賊於吳淞江口


周浦賊為官兵所破遁出吳淞江副使王公崇古
總兵俞大猷會兵夾擊至老鶴嘴大敗之俘斬一
百七十有奇

三十五年丙辰

三月賊入吳淞江總兵俞大猷等大破之

賊艚十六艘自寶山入吳淞江大猷先奉總督胡公宗憲檄與把總楊尚英劉堂等設伏海口待之賊至伏發沈其舟十三艘斬首二百五十餘級六月賊至吳淞江官兵擊敗之

賊為官兵所敗與七丫港賊相繼遁出海總兵俞大猷預受總督胡公宗憲命設伏劉家河海洋待之且攻且逐追及於茶山東北沈其舟六十艘俘斬三百有奇殘寇宵遁復為颶風所覆無生還者



江南經畧卷三上